

Na osnovu člana 90. Zakona o javnim nabavkama ("Službeni glasnik BiH" br. 39/14), nakon provedenog postupka direktnog sporazuma za nabavku radova i Odluke dekana o direktnom sporazumu za nabavku radova Radovi na postavljanju podne i zidne obloge, broj: 04-1-8-26-5/21 od 06.05.2021. godine,

**Građevinski fakultet Univerziteta u Sarajevu**, ul. Patriotske lige br. 30, 71000 Sarajevo, ID: 4200287770000, kojeg zastupa dekan: prof. dr Samir Dolarević, dipl. ing. građ. (u daljem tekstu: **Naručilac**)

i

**Hetig d.d. Sarajevo**, Trg međunarodnog prijateljstva 11, Sarajevo, ID: 4200424270001, kojeg zastupa direktor Suad Alić, (u daljem tekstu: **Izvođač**)

## **UGOVOR**

### **o izvođenju radova: RADOVI NA POSTAVLJANJU PODNE I ZIDNE OBLOGE**

#### **PREDMET UGOVORA**

##### **Član 1.**

Predmet ovog Ugovora su radovi: Radovi na postavljanju podne i zidne obloge, za potrebe Naručioca po Konačnoj ponudi za izvođenje radova 891/21 od 04.05.2021. godine, evidentirana kod ugovornog organa pod brojem: 04-1-8-26-3/21 od 04.05.2021. godine, koja je sastavni dio ovog Ugovora.

##### **Član 2.**

Izvođač se obavezuje da će radove iz člana 1. ovog ugovora izvesti u skladu sa važećim zakonskim i drugim propisima, standardima, tehničkim normativima i pravilima struke, prema dostavljenoj i prihvaćenoj ponudi koja je sastavni dio ovog ugovora.

#### **CIJENA I NAČIN PLAĆANJA**

##### **Član 3.**

Ukupna vrijednost radova iz člana 1. iznosi od 1.070,00 KM bez PDV, (slovima: hiljadusedamdeset 0/100 KM), odnosno 1.251,90 KM sa PDV-om, (slovima: hiljadudvjestotinepedesetjedan 90/100 KM).

##### **Član 4.**

Ugovorne strane saglasne da se plaćanja ugovorenih radova iz člana 1. ovog Ugovora vrši po ispostavljenim računima, putem transakcijskog računa Izvođača broj: 1990490005224176 kod ABS Banke pozivom na broj ovog Ugovora.

#### **ROK IZVOĐENJA RADOVA**

##### **Član 5.**

Izvođač će radove završiti u skladu sa međusobno utvrđenoj dinamici i u dogovorenom roku od maksimalno 30 (trideset dana).

Dogovoreni rok izvođenja radova se može produžiti samo u slučaju:

1. zakašnjenja uvođenja u posao, za onoliko dana koliko je trajalo to zakašnjenje
2. više sile, za onoliko dana koliko su trajali razlozi produženja izazvani tom silom.

#### **OBRAČUN RADOVA I NAČIN PLAĆANJA**

##### **Član 6.**

Obračun izvedenih radova vršit će se na osnovu stvarno izvedenih količina radova i fiksnih jediničnih cijena iz prihvaćene Konačne ponude Izvršioca.

#### **Član 7.**

Naručilac se obavezuje da će nakon prijema radova, te otklanjanju eventualnih nedostataka po Zapisniku o primopredaji radova, platiti izvođaču ovjereni okončani račun u zakonskom roku. Plaćanje će se vršiti bez avansa.

#### **Član 8.**

Svi naknadni i nepredviđeni radovi koji bi se eventualno pojavili u toku izvođenja radova, mogu se izvesti samo na pisani zahtjev - nalog Naručioca, a nakon usaglašavanja, odnosno usvajanja novoformirane jedinične cijene od strane Naručioca.

(Naknadni radovi su oni koji nisu ugovoreni, a Naručilac u toku građenja zahtijeva da se izvedu, a nepredviđeni radovi su oni radovi koji ugovorom nisu obuhvaćeni, a koji se moraju izvesti.)

### **GARANCIJA**

#### **Član 9.**

Izvođač radova odgovara za solidnost i kvalitet izvedenih radova za vrijeme od 24 (dvadesetčetiri) mjeseca, računajući od dana primopredaje radova. Unutar ovoga roka izvođač je obavezan da o svom trošku na pisani zahtjev Naručioca, otkloni sve nedostatke koji bi se pojavili na izvedenim radovima uslijed nesolidnog izvođenja ili upotrebe nekvalitetnog materijala.

### **OBAVEZE UGOVORNIH STRANA**

#### **Član 10.**

Naručilac je obavezan Izvođaču da obezbijedi:

- tehničku dokumentaciju za izvođenje,
- nesmetan pristup za rad,
- korištenje električne energije za rad.

#### **Član 11.**

Nadzor nad izvođenjem radova vršit će zaposlenik Naručioca imenovan posebnim rješenjem.

#### **Član 12.**

Izvođač je obavezan da:

- prema čl. 72 (6) ZJN neće angažovati zaposlenike Građevinskog fakulteta u Sarajevu,
- preduzme sve mjere da ne nanosi štetu u objektu i trećim licima u toku izvođenja radova,
- da preduzme sve mjere zaštite objekta na kojem se radovi izvode i osiguranja radnika, materijala, sredstava,
- da Naručiocu omogućiti vršenje stručnog nadzora,
- da ugrađuje materijal i elemente koji odgovaraju standardima i propisima, koji imaju zadovoljavajuće ateste,
- da izvede sve eventualne nepredviđene nužne radove, s tim da prethodno sa Naručiocom usaglasa njihovu narudžbu,
- da odmah po završetku radova obavijesti Naručioca da su radovi koji su predmet ugovora završeni radi sačinjavanja zapisnika o primopredaji radova i izradi konačnog obračuna za ugrađeni materijal
- da dostavi odgovarajuću atestnu dokumentaciju i garanciju za izvedene radove sa rokom koji je definisan u članu 1. ovog ugovora.

## RJEŠAVANJE SPOROVA

### Član 13.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ipak ne postigne, stvarno i mjesno nadležan je sud u Sarajevu. Ugovorne strane su saglasne da se o pitanjima koja nisu regulisana ovim ugovorom primjenjuju odredbe Zakona o obligacionim odnosima.

## ZAVRŠNE ODREDBE

### Član 14.

Sve izmjene ovog ugovora mogu se vršiti isključivo i samo uz pisanu saglasnost ugovornih strana. Ovaj ugovor stupa na snagu danom potpisivanja od strane ovlaštenih lica ugovornih strana.

### Član 15.

Ovaj ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Izvođač:

Hetig d.d. Sarajevo

DIREKTOR

Suad Alić



Naručilac:

Građevinski fakultet Univerziteta u Sarajevu

DEKAN

prof.dr. Samir Dolarević, dipl.ing.građ.



Broj: 963/21

Datum: 17.05.2021.

Broj: 04-1-8-26-6/21

Datum: 07.05.2021